



INFORMASHON

Fecha
29 di ougùstùs 2017

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Manehá e parti di atministrashon finansiero di terenonan, playanan, awanan teritorial, edifisionan i demas propiedat inmóbil di Gobièrnu

Domeinbeheer ta pone propiedatnan inmóbil di Gobièrnu, manera tereno, edifisio, òf playa, disponibel pa personanan òf kompanianan hasi uso di dje. Esaki ta sosodé a base di un kònktrakt. Den e kònktrakt aki tin stipulá e gastunan ku e persona òf kompania tin ku paga pa por hasi uso di e propiedat di Gobièrnu.

Domeinbeheer ta e instansia di Gobièrnu ku ta manehá e aspekto finansiero di propiedatnan inmóbil di Gobièrnu, manera entre otro kobransa di hür òf èrfpagt. Un bes pa aña, Domeinbeheer ta manda kobra tur kliente ku tin un propiedat di Gobièrnu. E kliente ta risibí un faktura, riba kual e ta mira su kuenta ku ta habrí na Domeinbeheer. E kliente por paga esaki na Ontvanger di Belasting.

Aklarashon

Si un kliente tin pregunta tokante di e faktura ku el a risibí, e por tuma kontakto ku Domeinbeheer atraves di number di telefon 434-1200 òf 0800-1919 pa e haña akklarashon di su faktura.

Opheshon

Si un kliente no ta di akuerdo ku e faktura ku el a risibí, e por manda un karta òf un email ku su opheshon pa Domeinbeheer pa e ámtenar evaluá e situashon:

- WTC- Building IBC, 11 C-D
- info.domeinbeheer@gobiernu.cw.

Domeinbeheer lo analisá e kaso i tuma kontakto ku e kliente.

Uso di fondonan

E sèn ku Gobièrnu kolekshoná atraves di e kobransa di entre otro hür òf èrfpagt ta bai bek den e fondo di Gobièrnu pa desaroyo di terenonan pa uso industrial, komersial i pa bibienda. Esakinan ta sosodé na diferente manera, por ehèmpel atraves di plannan di parselashon.